

nu naest verleden tusschen den eerbaren jonker Ocken to Broeck, to Auwerck ende Emeden etc. hoefling in Oestfreeslant ende syne vrende an de ene sijd, ende Focke Ukena hoefling to Lere, synen kinderen ende Imelen hoefling to Grymessum ende oer vrenden an de ander sijd, by namen als van Oldersum ende tymeringe ende vestinge to Lerlete ende van anderen articulen na inholt des compromiss ende beghifnisse de sie ghelovet, ghesworen ende beseghelt hebben stede ende vast na onser ontkenninge onverbroken to holden bij alsulker pene alst compromiss inhoudende is. Soe seggen wij na recht ende vrentscap na den besten rechte int eerste, dat Bruen Klinge borghermeister in Groningen ende Henrick Beyer, raetman ende hoefman in Groningen sullen van stonden an jonker Ocken vorghenoemt Oldersum weder overleveren in alsulken ghenoghe ende manieren, alst Focken Ukena voerscr. in voertijden in gheloven te waren is ghedaen, ende dat buten Focken ende synre vrende ovelemoet, mit vorworden dat jonker Ocko voerscr. sal up den dach dat hem dat slot to Oldersum voerscr. overghelevert wort Focken voerscr. betalen off ghenoghelick bewissen alsulk ghelt als Focke voerscr. beholden wil bij sijnre consciencien, dat hem jonker Ocke voerscr. mit rechte schuldich is. Item van den golde, silverwerke ende ghelde, dat de edele joncfrow van den Broke heeft in gheloven ontfangen van Luttets kinder, daer Focke voerscr. up spreket ende meent, dattet Heben syns soens wyve mede tohoert te deelen, segge wij zoenlude voerscr. dattet sal up her Almer kerkheer to Erle ende Wijbet to Steghesdorpe staen daer een recht van te seggen, ende wat sie eendrachtleken Heben ende oer suster na lantrechte to seggen ende vynden, dat sal men hem gheven bynnen achte daghen na den dattet utgheseecht wort, ende daer sullen Ocke van Loquard ende Imele Heringhes voghet tot Emeden voer loven, dattet betaelt werde als voerscr. is. Ende dit recht sullen dese twe voerscr. scheidslude ut seggen eer Pinxterachtende¹⁾ naest comende to Auwerckhove ende dat vol te brengen ende te holden by ener pene van hondert olden Franckschen schilden, halff to behoef des abts ter Monte, broder Johans van den hilghen Gheeste der Prediker oerde, Bruen Klingens, Omekens ten Damme²⁾ ende Henric Beyers, ende halff to behoef des rades to Groningen, der prelaten ende hoeflingen de hijrmede overgheseten hebben. Item up den artikel de der gheroert is van Lerlete, dat jonker Ocko ansprekende is voer sijn etc., seggen wij voerscr. zoenslude om des willen dat Imele van Grymessum ende Frederic Harensoen, den God ghenedich sy, Imelen voerscr. broder, jonker Ocken naeste maghen synt ende mit oers selves lyffe ende guede daer to hulpen hebben na oere macht, dattet jonker Keno zeligher ghedachtnisse mit machte ghewonnen heeft, dat Imele ende Frederick voerscr. ende oer erfghenamen Lerlete sullen beholden ende besitten to ewighen daghen mit vorworden als hijr na ghescreven staet, als dat jonker Ocken vorghenoemt ende synen erfghenamen daer gheen schade ut scheen en sal, ende Imele ende Frederic vorghenoemt ende oer erfghenamen sullen bruken alsulke erve ende guede als Enno Haytes, dem God ghenedich sy, hadde bynnen ende buten Lerlete ende de heerlicheit bynnen Lerlete; ende willen Imele ende Frederic voerscr. off oer erfghenamen dat slot, dat sie beghonnen hebben bynnen Lerlete, voert tymmeren off een ander slot maken bynnen off buten in Lerlete, dat moghen sie tymmeren off tymmeren laten sunder enigherhande wederseggen vyer steensticke³⁾ ende den

336. ¹⁾ 8 Tage nach Pfingsten, 26. Mai.

²⁾ Appingadam.

³⁾ 4 Steine dick.